

ახმეტის მუნიციპალიტეტის საკრებულოს

ბიუროს სხდომა

ოქმი №22

ქ. ახმეტა

22 აგვისტო, 2017 წელი

თავმჯდომარეობდა: თამარ ყვინიშვილი-ახმეტის მუნიციპალიტეტის  
საკრებულოს თავმჯდომარე.

ბიუროს სხდომას ესწრებოდა: თ.წითელაური, ბ.ჭიჭიკლიშვილი, გ.ქიტესაშვილი  
ზ. გარსევანიძე, მ.ალხანაშვილი, გ.მაისურაძე  
რ.ბაღაკაშვილი, თ.ბოდაველი  
ც.გრძელივანიშვილი

სხდომა გაიხსნა 11<sup>00</sup>სათზე.

საკრებულოს თავმჯდომარე თამარ ყვინიშვილმა გახსნა სხდომა და ბიუროს წევრებს გააცნო  
დღის წესრიგი.

დღის წესრიგი:

1. „ახმეტის მუნიციპალიტეტის 2017 წლის ბიუჯეტის დამტკიცების შესახებ“ ახმეტის  
მუნიციპალიტეტის საკრებულოს 2017 წლის 26 იანვრის N2 დადგენილებაში ცვლილების  
შეტანის თაობაზე;

/მომხსენებელი - ვანო ნასყიდაშვილი/

2. „ახმეტის მუნიციპალიტეტის მოსახლეობის სოციალური დახმარების 2017 წლის პროგრამისა და მისი ბიუჯეტის დამტკიცების შესახებ“ ახმეტის მუნიციპალიტეტის საკრებულოს 2017 წლის 26 იანვრის №3 დადგენილებაში ცვლილების შეტანის თაობაზე

/მომხსენებელი - ნ.ექვთიმიშვილი/

3. შვეიცარიის განვითარებისა და თანამშრომლობის სააგენტოს (SDC) მიერ დაფინანსებულ არასამთავრობო ორგანიზაცია „ჰეკს/ეპერი“-საგან სამხრეთ კავკასიის ოფისის პროექტის „მოლი კახეთში“ ფარგლებში გრანტის მიღებაზე წინასწარი თანხმობის მიცემის შესახებ

/მომხსენებელი -დ.აბულაძე/

ბიუროს სხდომის თავმჯდომარემ კენჭისყრაზე დააყენა დღის წესრიგი, რომელსაც მხარი სხდომაზე დამსწრე ყველა წევრმა დაუჭირა.

**მოისმინეს:** „ახმეტის მუნიციპალიტეტის 2017 წლის ბიუჯეტის დამტკიცების შესახებ“ ახმეტის მუნიციპალიტეტის საკრებულოს 2017 წლის 26 იანვრის N2 დადგენილებაში ცვლილების შეტანის თაობაზე;

**მომხსენებელმა ბიუროს დამსწრე წევრებს მიაწოდა ინფორმაცია ახმეტის მუნიციპალიტეტის 2017 წლის ბიუჯეტში შესატანი ცვლილებების შესახებ:**

ახმეტის მუნიციპალიტეტის 2017 წლის ბიუჯეტში ცვლილების პროექტით შემოსავლების და ხარჯვით ნაწილში ზრდა გათვალისწინებულია 18,0 ათ. ლარით (შემოსავლები ბანკის პროცენტიდან). დანარჩენი ცვლილებები ეხება ბიუჯეტის არსებული პარამეტრების შიდა ცვლილებებს.

ბიუროს სხდომის თავმჯდომარემ კენჭისყრაზე დააყენა საკითხის მიღება

9 - მომხრე;

1 - წინააღმდეგი

გიორგი მაისურაძემ დატოვა ბიუროს სხდომა.

**მოისმინეს:** „ახმეტის მუნიციპალიტეტის მოსახლეობის სოციალური დახმარების 2017 წლის პროგრამისა და მისი ბიუჯეტის დამტკიცების შესახებ“ ახმეტის მუნიციპალიტეტის საკრებულოს 2017 წლის 26 იანვრის №3 დადგენილებაში ცვლილების შეტანის თაობაზე

**მომხსენებელმა გააცნო პროექტი ბიუროს დამსწრე წევრებს:**

ახმეტის მუნიციპალიტეტის თვითმმართველობა აუცილებელ ღონისძიებად მიიჩნევს ახმეტის მუნიციპალიტეტის მოსახლეობის სოციალური დახმარების 2017 წლის პროგრამის ბიუჯეტში ცვლილებების შეტანას, რათა გაზარდოს ეკონომიურად გაჭირვებული და სოციალურად დაუცველ მოქალაქეთა სტაციონალური მკურნალობის, ოპერაციისა და ლაბორატორიული გამოკვლევების, ასევე ცერებრალური დამბლით დაავადებულ ბავშვთა სამკურნალო ვარჯიშებისთვის გამოყოფილი თანხა.

იმ ოჯახებისთვის გამოყოფილი თანხა, რომელთაც ხანძრის ან სტიქიის გამო დაუზიანდათ საცხოვრებელი სახლი, 20 000-დან შემცირდეს 13 000 ლარით და განისაზღვროს 7 000 ლარით. აღნიშნული 13 000 ლარი დაემატოს ეკონომიკურად გაჭირვებულ და სოციალურად დაუცველ მოქალაქეთა სტაციონალური მკურნალობის, ოპერაციისა და ლაბორატორიული გამოკვლევების, ცერებრალური დამბლით დაავადებულ ბავშვთა სამკურნალო ვარჯიშების დაფინანსებისათვის გამოყოფილ 195 000 ლარს.

აგრეთვე, განსაკუთრებულ შემთხვევებში „სოციალური პაკეტით განსაზღვრული დახმარების მსურველ პირთა განცხადებების განმხილველი კომისიის“ დასკვნის საფუძველზე გამოყოფილი სოციალური დახმარება იმ პირების მიმართ, რომლებიც ვერ აკმაყოფილებენ სამიზნე ჯგუფის მოთხოვნებს ან კონკრეტული მიზეზების გამო ამ ეტაპზე შეუძლებელია დახმარება სოციალური პროგრამის სხვა მუხლებიდან მოქალაქეთათვის გამოყოფილი 32 000 ლარი შემცირდეს 10 000 ლარით და განისაზღვროს 22 000 ლარით. აღნიშნული 10 000 ლარი კი, დაემატოს ასევე ეკონომიურად გაჭირვებულ და სოციალურად დაუცველ მოქალაქეთა სტაციონალური მკურნალობის, ოპერაციისა და ლაბორატორიული გამოკვლევების, ცერებრალური დამბლით დაავადებულ ბავშვთა სამკურნალო ვარჯიშების დაფინანსებისათვის გამოყოფილ 195 000 ლარს.

ზემოაღნიშნულიდან გამომდინარე, ეკონომიკურად გაჭირვებულ და სოციალურად დაუცველ მოქალაქეთა სტაციონალური მკურნალობის, ოპერაციისა და ლაბორატორიული გამოკვლევების, ცერებრალური დამბლით დაავადებულ ბავშვთა სამკურნალო ვარჯიშების დაფინანსებისათვის გამოყოფილი თანხა 195 000 ლარი გაიზარდოს 23 000 ლარით და განისაზღვროს 218.000 ლარით.

**მოისმინეს:** შვეიცარიის განვითარებისა და თანამშრომლობის სააგენტოს (SDC) მიერ დაფინანსებულ არასამთავრობო ორგანიზაცია „ჰეკს/ეპერი“-საგან სამხრეთ კავკასიის ოფისის პროექტის „მოლი კახეთში“ ფარგლებში გრანტის მიღებაზე წინასწარი თანხმობის მიცემის შესახებ.

მომხსენებელმა გააცნო საკითხი დამსწრე წევრებს: ცვლილება შეგვაქვს 2017 წლის 7 აგვისტოს #45 განკარგულებაში:

ახალი მუნიციპალური სერვისის „ქალთა ოთახის“ პროექტში ჩართულია ორი შევიცარიული არასამთავრობო ორგანიზაცია „ჰეკს /ეპერი“, (პროგრამა „ მოლი კახეთში“) და შოტლანდიური არასამთავრობო ორგანიზაცია „მერსი ქორფსი“. ინფორმაციის დაზუსტების პროცესში გაირკვა, რომ ამ ეტაპზე რეაბილიტაციას და კაბინეტის აღჭურვას ახორციელებს „მოლი კახეთში“.

მომხსენებელმა განმარტა, რომ საკრებულოსგან მიღებული თანხმობის შემდეგ გაფორმდება შესაბამისი ხელშეკრულება.

ქალბატონმა თამარ ყვინიშვილმა საკითხის უკეთ გაცნობის მიზნით მოითხოვა ოფიციალური მიმოწერის დოკუმენტები აღნიშნულ არასამთავრობოსთან. მომხსენებელმა აღნიშნა, რომ საკრებულოს სხდომაზე წარადგენდა მოთხოვნილ დოკუმენტებს.

ბიუროს სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ბიუროს წევრებმა ერთხმად დაუჭირეს მხარი.

დღის წესრიგით გათვალისწინებული საკითხების ამოწურვის შემდეგ სხდომის თავმჯდომარემ ჰკითხა დამსწრე საკრებულოს წევრებს: ხომ არ სურთ რაიმე წინადადების დაყენება.

სხვა წინადადებები და შენიშვნები არ ყოფილა.

ბიუროს სხდომა დაიხურა 11<sup>45</sup> საათზე.

საკრებულოს თავმჯდომარე:



თამარ ყვინიშვილი